

ЭРКИН ВА ФАРОВОН ҲАЁТ—ЭЗГУ МАҚСАДИМИЗ

Тирик, мағрур, ҳақ сўз қуролимиз бўлсин!



Ватан ягонадир,
Ватан биттадир

2023 йил—Инсонга эътибор ва сифатли таълим йили

Ассалому алайкум, азиз муштарий!

ЎСТИҚВОЛ ҲОҶИ

Қўштепа туманининг ижтимоий-сиёсий, маънавий-маърифий газетаси

1943 йил 6 мартдан чиқа бошлаган

www.istiqbolyuli.uz

istiqbol.43@umail.uz

2023 йил 27 феврал № 7 (8449)

Муҳим ахборотлар

Ўзбекистон Республикаси Президенти Шавкат Мирзиёев "2023 йилда қайта тикланувчи энергия манбаларини ва энергия тежовчи технологияларни жорий этишни жадаллаштириш чора-тадбирлари тўғрисида"ги қарорга имзо чекди.

2023 йил 1 апрелдан бошлаб умумий қуввати 100 кВтгача бўлган қайта тикланувчи энергия манбалари қурилмаларини ўрнатган жисмоний ва юридик шахслар ушбу қурилмалар бўйича мол-мулк солиғи, қурилмалар билан банд бўлган участкалар бўйича ер солиғи ҳамда юридик шахслар томонидан умумий тармоққа сотган электр энергияси учун олган фойдасидан ҳисобланадиган фойда солиғини тўлашдан улар фойдаланишга топширилган пайтдан эътиборан уч йил муддатга, ўрнатилаётган қуёш панелларининг қувватига нисбатан 25 фоиздан кам бўлмаган қувватга эга электр энергиясини сақлаш тизими билан ўрнатилган бўлса – ўн йил муддатга озод этилади;

2023 йил 1 мартдан бошлаб ягона электр энергетика тизими-га уланиш учун берилган техник шартларда кўрсатилган қувватдан юқори бўлмаган қайта тикланувчи энергия манбалари қурилмаларини электр тармоқларига улашда қўшимча техник шарт олиш талаб этилмайди.

Президент Шавкат Мирзиёев раислигида соҳа ва ҳудудларда рақамлаштириш жараёнини жадаллаштириш масалалари юзасидан видеоселектор йиғилиши ўтказилди.

Ўзбекистон Республикаси Президенти Шавкат Мирзиёев Миср Араб Республикаси Президенти Абдулфаттоҳ ас-Сисининг таклифи билан расмий ташриф билан ушбу мамлакатда бўлиб қайтди.

Давлатимиз раҳбари "Қишлоқ хўжалигида аҳоли бандлигини ошириш ва ер участкаларидан самарали фойдаланиш чора-тадбирлари тўғрисида" қарор қабул қилди.

Яқун ва режалар: ҳоким билан суҳбат

ЮТУҚЛАР ОСМОНДАН ТУШИБ ҚОЛМАЙДИ

У ҳамжиҳатлик билан қилган самарали меҳнат ортидан келади

Вақт югуриқ, мана, "Инсонга эътибор ва сифатли таълим йили"нинг ҳам иккинчи оғи ниҳоялаб борапти. Давлатимиз раҳбарининг 2022 йил поёнида Олий Мажлис ва Ўзбекистон халқига Мурожаатномасида илгари сурилган вазифаларни қамраб олган давлат дастури тўғрисидаги Ўзбекистон Республикаси Президенти фармони лойиҳаси 6 февралдан 17 февралгача давом этди. Кўзланган мақсадлар, халқ манфаати йўлида амалга оширилаётган режалар кўламини кенг. Хуш, ўтган – "Инсон кадрини улуғлаш ва фаол маҳалла йили" туманимизда қандай из қолдирди, унинг мантқиқий давоми бўлган жорий йилдаги улуғвор мақсадлар нималардан иборат? Уларнинг рўёби учун белгиланаётган ҳаракат дастурлари ижросини таъминлашда олдинда турган вазифалар ижросини таъминлаш кимга ва нималарга боғлиқ?

Туман ҳокими Илёсбек НОВИКОВ билан қилган суҳбатимиз ана шу саволлар атрофида борди.

– Суҳбатимиз аввалида туманда иқтисодий соҳасидаги ўтган йилги натижаларга бир назар ташласак. Назаримда, соҳада бултурги натижалар анча салмоқли ва эътирофга лойиқ бўлди. Бу, туманинг йил яқунларига оид маълумотлардаги рақамлар, умуман, туман ҳаётида ҳам кўриниб турибди.

– Гапингиз тўғри, ҳар қандай ютуқ ва камчиликлар ҳақида рақамлар "гапирди", реал ҳаёт эса уни исботлаб қўяди.

Президентимизнинг Мурожаатномаси, шу кўрсатмалар асосида "Инсонга эътибор ва сифатли таълим йили" учун белгилаб олаётган дастурларимиз мақсадларини рўёбга чиқариш шу юртнинг фуқаросиман, деган ҳар биримиздан аниқ мақсад билан, машаққатлардан қочмай меҳнат қилишини тақозо этади.

Суҳбатимиз ўтган йилги иқтисодий кўрсаткичлар таҳлилидан бошланар экан, бир пайтлар саноат ишлаб чиқариши деярли йўқ бўлган Қўштепада кейинги йилларда бу соҳа жадал суръатлар билан ривожланаётганини айтишдан мумнунман. Очиғини

айтаман, гарчи аграр соҳа халқни едириб, тўйдирса ҳам, саноат ишлаб чиқариши ривожланмаган ҳудуднинг тараққий этиши қийин кечади. Бу, исбот талаб қилмайдиган ҳақиқат. Шу маънода туманимиз ҳам саноати ривожланган ҳудудлар қаторига кириб бораётгани қувонарлидир. Бултур туманда саноат маҳсулотлари ишлаб чиқариш ҳажми 1 465,5 миллиард сўмга етказилди. Бу, аҳоли жон бошига 7,3 миллион сўмлик маҳсулот ишлаб чиқарилиб, режа 120,4 фоизга бажарилди, демакдир.

(Давоми 2-бетда.)

Меҳнат ярмаркасида

ИШГА ЖОЙЛАШМОҚЧИМИСИЗ, МАРҲАМАТ



Суратда: туман ҳокими Илёсбек Новиков бошчилигида сектор раҳбарлари бўш иш ўринлари маълумотлари билан танишмоқдалар. Бахтиёржон РЎЗИОХУНОВ олган сурат.

Туман сектор раҳбарларининг ташаббуси билан ўтказилган навбатдаги меҳнат ярмаркасида соғлиқни сақлаш, мактабгача, халқ таълими бўлимлари, хусусий корхоналар томонидан 330 та иш ўринлари тавсия этилди. Меҳнат ва бандлик маркази олдида ўтказилган ярмаркада ҳозир бўлган иш сўровчиларнинг 15 нафарига ўзлари танлаган иш ўрнига йўлланма берилди. "Аёллар дафтари" рўйхатидаги 45 нафар хотин-қиз ўз хоҳишига кўра, касб-ҳунарга ўқитиш марказларига юборилди, ҳуқуқий маслаҳатлар берилди.

"ЎСТИҚВОЛ ЙЎЛИ" ГАЗЕТАСИ ТАҲРИРИЯТИ БИЛАН АЛОҚАДОР ТАШКИЛОТ, МУАССАСА ВА МУШТАРИЙЛАР ДИҚҚАТИГА!

Таҳририят давлат унитар корхонаси шаклига ўтганлиги муносабати билан унинг ҳисоб рақами ўзгарганлигини маълум қиламиз:
Марказий банк Тошкент ХККМ Ҳисоб рақами:
23402000300100001010. МФО: 00014, ИНН: 201122919
ШХР 470010860302067011204018001, ИНН: 200178144.
МУҲАРРИРИЯТ

УШБУ
СОНДА:

2

* "Ўстиқбол йўли" таништиради
* Янги етакчи сайланди

3

* Мақсад қатъий бўлса...
* Жамиятнинг фаол аёли бўлиш осонми?

4

Сабоқ бекати
* Аҳли дониш дейдиларки
* "Ҳарир туйғулар"
* Билиб қўйган маъқул

Яқун ва режалар: ҳоким билан суҳбат

ЮТУҚЛАР ОСМОНДАН
ТУШИБ ҚОЛМАЙДИ(Давоми,
Бошланиши 1-бетда)

Бошқа соҳаларда ҳам бултур ёмон натижаларга эришмадик. Халқ истеъмоли товарлари, қишлоқ хўжалик маҳсулотлари ишлаб чиқариш ҳам режадагидан анча ошириб адо этилди. Капитал қўйилмалар ҳажми кўзланганидан икки баравар зиёда билан ўринлатилди. Қурилиш ишлари режаси 132 фоизга етказилганлиги ҳам бу борадаги ишлар кўламини кўрсатиб турибди. Чакана савдо айланмаси, жами хизматлар бўйича ҳам аввалги йилдаги натижалардан бирмунча ўзиб кетилди ва вилоятдаги уллушимиз ҳам шунга яраша кўтарилди. Аммо пахтачиликда олдинда турган маррага эришиш қийин кечганини яширмайман. Деҳқончиликда бир кунлик кечикиш йилларга татийди, деб бежиз айтмаганлар-да. Бу, фермер хўжаликлари раҳбарларига сабоқ бўлади, деган умиддаман.

Иқтисодий кўрсаткичларнинг барчаси тадбиркорлик ҳаракатини кенгайтириш, уларга қўлай инвестицион шароитлар, иш ўринлари яратиш билан боғлиқ, албатта. Хабарингиз бор, бултур давлатимиз раҳбари 12-13 май кунлари Фарғонага ташрифлари чоғида берган топшириқларига кўра, ўтган ва жорий йил давомида туманимизда салкам 300 миллиард сўм ҳажмда 54 та инвестиция лойиҳалари амалга оширилиши натижасида 1204 та иш ўринлари яратилиши режалаштирилган. Ўтган йилнинг ўзида уларнинг 38 таси ишга туширилди ва 765 та та янги иш ўринлари яратилди.

Шу ўринда Ўзбекистон Республикаси Президентининг 2021 йил 30 декабрдаги "Ўзбекистон Республикасининг 2022-2026 йилларга мўлжалланган инвестиция дастурини тасдиқлаш ҳамда инвестиция лойиҳаларини бошқаришнинг янги ёндошув механизмларини жорий этиш тўғрисида"ги қарори иловаси асосида туманимизнинг "Оқтепа" кичик саноат зонасининг 18 гектар майдонида ташкил этилган "Fergana Global Infinity" маъсуляти чекланган жамият ҳақида алоҳида тўхталиб ўтиш мақсадга мувофиқдир. Бултур қиймати 1,3 триллион сўм (шундан, 513,4 миллиард сўм ташаббускор маблағлари ва 74,9 миллион доллар ҳорижий инвестиция маблағлари) бўлган "Текстиль ва тўқимачилик фаолиятини ташкил этиш" лойиҳасини ишга тушириш учун кенг кўламда қурилиш ишлари олиб борилди. Бугунги кунда лойиҳанинг биринчи навбатини ишга тушириш учун жами 142 миллион доллар сарфланиб, 1500 та янги иш ўринлари яратилди.

Хориждан келтирилган энг замонавий ускуналар билан жиҳозланган улкан ишлаб чиқариш мажмуаси ҳақиқатан

ҳам туманимиз саноат ишлаб чиқаришининг, вилоятимиз пахта-тўқимачилик соҳасининг чинакам драйверига айланиб улгурди. Хабарингиз бор, давлатимиз раҳбари шу йилнинг 2 феврал куни Фарғонага ташрифи чоғида корхона фаолияти билан атрофлича танишди. Таъсисчи Музаффаржон Раззоқов билан суҳбатлашиб, яқин келажакда 3000 иш ўрнига эга бўладиган мажмуа дунё бозорига рақобатбардош, сифатли маҳсулотлар ишлаб чиқариш орқали нафақат вилоят, балки мамлакат миқёсида ҳам экспорт салоҳияти, ишлаб чиқариш маданияти юқори даражадаги корхонага айланишига ишонч билдирди. Ишонччи оқлаш эса машаққатли ва самарали меҳнатни талаб этишини тадбиркорлар жуда яхши билдилар. Бу ерда иш мароми шунга яраша давом этмоқда.

Ўтган йили туманимизнинг "Истиқбол" маҳалла фуқаролар йиғини ҳудудида ун маҳсулотлари ишлаб чиқариш ва қадоқлашга ихтисослашган "Голд прогресс" маъсуляти чекланган жамият фаолияти самарали давом этмоқда. "Сардоба кўза пласт" хусусий корхонасида пластмасса буюмлар ишлаб чиқариш лойиҳаси кенгайтирилди. Кичик саноат зоналарида иш бошлаган тадбиркорлар ҳам пойабзалдан тортиб, маиший буюмлар, қурилиш материаллари ишлаб чиқариш ҳажмини йилдан-йилга кўпайтиришга ҳаракат қилмоқдалар.

Бултур туманимизда пилла, ғалла, пахта, мева, сабзавот, полиз, чорвачилик маҳсулотлари етиштириш ва сотишда ҳам кўзланган марраларга эришилди. Интенсив боғлар яратиш орқали мевачиликни ривожлантириш имкониятлари кенгайиб борапти. Қорамолчилик, балиқчилик, паррандачилик, қуёнчиликни барқарор ривожлантиришнинг резервларини излаб топишда маҳаллаларда фаолият кўрсатётган ҳоким ёрдамчиларининг ташаббуси ва ташкилотчилиги таянчдир. Уларнинг ҳаракатлари билан маҳаллаларда бу тармоқлар аста-секин тараққий этиб бораётир.

– Иқтисодий тараққиёт оидлари қишлоқларнинг инфратузилмаси, ижтимоий тармоқлар ривожини, одамлар турмуш тарзида акс садо беради, шундай эмасми?
– Албатта. Йил номидан келиб чиқиб, дастлаб таълим муассасалари ҳолатига тўхталсам. Зеро, Мурожаатномада жадид боболаримиз ҳикматларидан "Нажот – таълимда, нажот – тарбияда, нажот – билимда. Чунки, барча эзгу мақсадларга билим ва тарбия тўфайли эришилади" деган сатрлар бежиз қалтирилмади. Ҳақиқатан ҳам бизнинг умидли эртамик бўлган авлод бугун мактабгача таълим ва мактабда таълим-тарбия олмақдалар. Хабарингиз бор,

кейинги йилларда болаларни мактабгача таълимга жалб қилишга, улар қайси йўналишда фаолият кўрсатмасин, жиддий эътибор қаратилди. Мактабгача таълим ташкилотлари аксарияти таъмирланган, зарур воситалар билан таъминланган. Ҳозирда туманимиздаги 167 та муассасага 13 мингдан ортиқроқ болажонлар қамраб олинган ва бу кўрсаткич 84 фоизга етказилди. Эндиги вазифамиз қолган 3344 нафар болаларни ҳам таълим ташкилотларига жалб қилиш чораларини кўришдан иборатдир. Бу осон кечмайди, аммо яқин келажакда юз фоиз қамровга эришимиз зарур.

Мактаб ҳақиқатан ҳам таълим-тарбиянинг ҳеч нарса билан қисқаб бўлмайдиган ўчоғи. Тўғриси айтиш керак, гарчи ихтисослаштирилган мактабларда сифатли таълимга эътибор берилётган бўлса-да, умумтаълим мактабларида бу муҳим ишга юзаки қараладиган бўлиб қолган. Мурожаатномадан ҳам кўришиб турибдики, эндиги мақсад бу камчиликни баҳамжихатликда бартараф этишга қаратилган. Бугун туманимиздаги 51 та мактаблар айримларидаги шарт-шароитлар шаҳарлардагидан қолишмайди. Улар нафақат давлат дастурлари асосида, балки маҳаллий бюджетларга берилган имкониятлардан келиб чиқиб таъмирланипти, зарур моддий кўмаклар берилмапти.

Туманимизда ҳам ўтган йили Мактабгача ва мактаб таълими вазирлиги тизимидаги Ихтисослаштирилган таълим муассасалари агентлигининг муассасаси очилиши, ўйламанки, бу борада қўйилаётган дастлабки қадамнинг намунасидир. Бу ерда бўлган одам мактабга давлатимиз кўрсатётган эътибор ва ғамхўрликдан ғурурланади. Эндиликда бундай мактаблар тажрибаларини "Замонавий мактаб лидерлар нигоҳида" лойиҳаси доирасида барча умумтаълим мактабларига тарқатиш чоралари кўриляётгани айни муддао бўлди. Ўйламанки, туманимизда ўтган семинар-тренингда қатнашган мактаб директорлари таълим сифатини оширишнинг энг мақбул йўллари излаб топишга ҳаракат қиладилар.

Мактабгача таълим ташкилотлари ва мактабларда таълим сифатини ошириш энг аввало жамоаларнинг виждонан ишлашига боғлиқ. Юртимизнинг эртасига дахлдор авлоднинг тарбиялаётган ўқитувчи ва мураббийлар соҳага киритилаётган инвестицияларни оқлаш йўлида замон руҳига монанд фаолият кўрсатишлари зарур. Мен бунда жамоатчилик назорати ҳам муҳим рол ўйнашини алоҳида таъкидламоқчиман. Бунда сиз, матбуот ходимларининг ўрнингиз жуда зарур. Шунингдек, ота-оналар, маҳалла, бутун жамоатчилик таълим сифати учун қайғур-

сагина бу олижаноб мақсадга эришилади.

Саломатлик муассасалари фаолияти самарасини ошириш, уларнинг моддий-техника базасини мустаҳкамлаш, тиббий хизматни аҳолига яқинлаштириш, соғлом турмушни тарғиб қилиш борасида ҳам бултур кенг кўламдаги ишлар амалга оширилди. Бу ҳақда матбуотда аниқ рақамлар, таҳлиллар асосида кўп ёритилган. Аҳоли саломатлиги энг катта бойлигимиз экан, унинг муҳофазаси учун зарур барча имкониятларни яратишга интилаверамиз.

Бултур Президентимиз қарори асосида Жаҳон банкининг Халқаро тараққиёт уюшмаси ва Осие инфратузилмавий инвестициялар банки иштирокида "Қишлоқ инфратузилмасини ривожлантириш" лойиҳаси доирасида танлаб олинган 26 та фуқаролар йиғинларида олиб борилаётган ишлар ҳаммамизнинг кўз ўнгимизда давом этмоқда. Лойиҳа асосидаги инфратузилма ривожини учун келгуси йилни ҳам қўшганда тўрт йил ичида 15 миллион 750 минг АҚШ доллари, яъни 165, 1 миллиард сўм ҳажмдаги маблағ ўзлаштирилади. Ички йўллارни асфалтлаштириш ва шағаллаштириш, ирригация тармоқларини таъмирлаш, тунги ёриткич ва таянч устунлари, трансформаторлар ўрнатиш, электр тармоқларини тортиш ва алмаштириш, уяли алоқа станциялари қуриш, мактаблар ва мактабгача таълим ташкилотлари, тиббиёт муассасаларини таъмирлаш ва ҳоказо бунёдкорлик ишлари белгилаб олинган йўл харитаси асосида олиб бориляпти. Албатта, бу ҳаракатлар қишлоқ аҳли турмуш даражасини сезиларли кўтараётганига гувоҳимиз.

Шунингдек, Президентимизнинг 2022-2023 йилларда маҳаллалар инфратузилмасини янада яхшилашга қаратилган қарорлари ижросини таъминлаш учун 27 та маҳаллага деярли 60 миллиард сўм маблағ ажратилиб, ўзлаштирилмоқда. Қарор асосида жорий йилда 11 та маҳалла йиғинларида қарийб 25 миллиард сўм ҳажмда ички йўллارни асфалтлаш чоралари кўрилмақда. "Обод қишлоқ" дастури доирасидаги ишлар ижтимоий муассасалар, маҳаллалар ободлиги, демакки одамлар турмуш даражасини кўтаришнинг манбаи бўлиб хизмат қиляпти.

Бир сўз билан айтганда, қишлоқ аҳлининг меҳнаткашлик фазилатига таяниб, ҳар бир хонадон аҳлининг ҳаётдан рози бўлиб, туманининг, шу юртининг бирини-икки қилиш ҳаракатида фаол иштирок этиши, ҳар жихатдан соғлом турмуш кечириши, фарзандлари таълими сифатига дахлдорликни ҳис этиши йўлида бор имкониятларни ишга солашимиз. Мурожаатномада илгари сурилган вазифалар рўёби учун баҳажихатликда меҳнат қилсак, белгилаб олинган марраларимизга, албатта эришамиз.

– **Мазмунли суҳбатингиз учун раҳмат.**

Суҳбатни Умида ХУДОЙБЕРГАНОВА ёзиб олди.

"ИСТИҚБОЛ ЙЎЛИ"
ТАНИШТИРАДИ:

Туман ҳокимининг ўринбосари, оила ва хотин-қизлар бўлими бошлиғи

МАРЯМХОН
ЙЎЛДОШЕВА

Марямхон Йўлдошева 1966 йили зиёлилар оиласида туғилган, миллати—ўзбек, маълумоти—олий. Фарғона политехника институтини маиший хизмат кўрсатишни ташкил этиш ва унинг иқтисоди йўналишида битирган. М. Йўлдошева меҳнат фаолиятини 1989 йили Марғилон шаҳар аҳолига маиший хизмат кўрсатиш бирлашмаси режалаштириш бўлими бошлиғи вазифасида бошлаган. 1993-2016 йилларда Марғилон тижорат техникуми, иқтисодиёт коллежиде етакчи мутахассис, кафедра мудири, бўлим мудири, бош услубчи, директор ўринбосари, директор лавозимларида фаолият кўрсатди. Ҳозирги лавозимга тайинлангунча республика Маънавият тарғибот маркази Марғилон шаҳар бўлими бошлиғи вазифасида самарали фаолият кўрсатди. Оилали, уч нафар фарзанди, олти нафар набираси бор. Турмуш ўртоғи Марғилон шаҳридаги "Нур" фирмаси директори.

Ахборот

ЯНГИ ЕТАКЧИ
САЙЛАНДИ

Туман "Оқида аёллар" ҳаракати аъзоларининг ўтган даврдаги фаолиятига бағишланган йиғилиши бўлди. Унда амалга оширилган ишлар юзасидан ҳаракат етакчиси Юлдузхон Худоёрова қисқача маълумот берди. Ҳаракатнинг Мухаббатхон Мўйидинова, Кроматхон Умматқулова, Ойтожикхон Абдуқодирова сингари аъзолари жамоатчилик фаолияти таъчирчанлигини янада ошириш юзасидан маҳаллалар, кўчалар кесимида ишлаш зарурлиги юзасидан амалий таклифлар билдирдилар.

Туман ҳокимининг ўринбосари Марямхон Йўлдошева Юдузхон Худоёровага туман ҳокими ташаккурномасини топширди. Йиғилиш иштирокчилари туман ҳаракати етакчилигига деҳқон бозори директори Давлатхон Юсуповани сайладилар.

Машваратда вилоят "Оқида аёллар" ҳаракати аъзоси Хадичахон Каримова иштирок этди ва оилавий ажримларнинг олдини олиш, соғлом маънавий муҳит яратиш, ўғил-қизларни турмушга тайёрлашда миллий кадриятларимизга кўпроқ таяниш зарурлиги, умуман, жамоат ташкилоти олдида турган энг муҳим вазифаларга эътибор қаратди.

Ўз мухбиримиз.

Ҳамкорлик

Халқ демократик партияси туман кенгаши билан ҳамкорликда касб-ҳунар мактабимиз ҳамда педагогика коллежи жамоаси ва ўқувчилари иштирокида уюштирилган ижодий учрашув айни шу мавзуга бағишланди. Унда устоз журналист, вилоят "Оқида аёллар" ҳаракати аъзоси Хадичахон Каримова ҳаёти, ижоди ва жамоат фаолиятига назар ташланди.



ЖАМИЯТНИНГ ФАОЛ АЁЛИ БЎЛИШ ОСОНМИ?

Устоз ўқитувчи ва ўқувчиларнинг саволлари асосида ҳар қандай инсон шахс сифатида шаклланишида тарбияланган оилавий муҳитнинг, мактаб, таълимнинг кейинги босқичларидаги интилиш ва изланишининг аҳамияти, қийинчиликларни енгиб ўтишда иродага суяниши зарурлигини ўз ҳаёт ва фаолияти мисолида сўзлаб берди.

—Айниқса, аёл учун жамиятнинг энг фаол аъзоси бўлиш осон эмас,—дейди устоз.—Оналик бурчи, у ёки бу соҳадаги фаолияти, уй-рўзгор юмушларидан ортиб, жамиятнинг "юки"га елка тутиш тоифамиз вакилидан фидойилик, матонат, қатъиятни талаб қилади. Сафимизда, хусусан, сизларнинг жамоаларингизда ҳам бундай аёллар жуда кўп ва улар ҳақли равишда эл-юртнинг эътиборига сазовор бўлаётганларига кўплаб

мисоллар келтириш мумкин. Айтмоқчиманки, жамиятнинг фаол аёли бўлишга интилиш оиладан бошланади. Аёл зоти борки, қўллаб-қувватлашга муштоқ. Энг аввало ота-она, устозлар, мустақил ҳаётда эса турмуш ўртоғининг мадади унга қанот бахш этади.

Тадбирда иштирок этган ХДП туман кенгаши раиси Шавкатжон Шаропов жамият ҳамиша фаол аёлларнинг меҳрига, мадади ва салоҳиятига эҳтиёж сезишини таъкидлаб, даврада иштирок этаётган ёшларни фаолликка чорлади.

Наргизахон ПЎЛАТБЕКОВА,
2-касб-ҳунар мактаби директорининг маънавий-маърифий ишлар бўйича ўринбосари.

Ёшлар минбари

Болалик давримдан энг катта орзуларимдан бири офицер бўлиш эди. Йиллар ўтди, бу орзуимга эришиш учун Қуролли Кучлар Академиясининг курсанти бўлишни мақсад қилдим. Лекин биринчи уринишим муваффақиятсиз бўлди. Шунга қарамай, ота-онам менга ҳам руҳий, ҳам моддий томондан далда бериб, қўллаб-қувватладилар. Ваниҳоят, 2022 йили имтиҳонлардан ўтиб, Академияга қабул қилиндим! Бунинг учун менга сабоқ берган устозларимдан миннатдорман.

МАҚСАД ҚАТЪИЙ БЎЛСА...



Ҳозирги кунда Ўзбекистон Республикаси Қуролли Кучлари таркибиде юқори малакали профессор ва офицер ўқитувчилар томонидан ўз мутахассислигимга доир керакли билимларни олаётиман. Бундай нуфузли билим юртида тахсил олаётганим, танлаган касбим ва юртимнинг тинчлигини ҳимоя қилувчилар сафида бўлишимдан фахрланаман.

Президентимиз, Қуролли Кучлар Олий Бош Қўмондони Шавкат Мирзиёевнинг ташаббуслари билан 2017 йил 25 апрел куни янгитдан барпо этилган Академия бугунги кунда юқори бўғин қўмондонлик офицерларини тайёрлаш ва Қуролли Кучлар таркибини ҳар томонлама етук малакали офицер кадрлар билан таъминлаш, мудофаа қурилиши соҳасида илмий тадқиқотлар ва ишланмаларни амалга ошириш бўйича энг зарур вазифаларнинг бажарилишида гоят муҳим ўрин эгаллаб келмоқда. Ўқув масканимиз мамлакатдаги етакчи илмий таълим муассасаларида тўпланган фаолият тажрибасини ўзига қамраб олган ҳолда, ҳарбий таълимнинг ягона тизимида асосий ўринни эгаллаб, том маънода ҳарбий илм-фан марказига айлангани айни ҳақиқатдир.

Академияда ёш офицерларни тайёрлаш, қўшинларда хизмат ўтаётганлар малакасини ошириш,

шунингдек, бошқарув таркибидаги қўмондонлик кадрларини махсус тайёргарликдан ўтказиш ишлари изчиллик билан амалга оширилмоқда. Мазкур вазифаларни бажариш учун таълим жараёнига энг янги усул ва технологиялар жорий этилиб, ўқув аудиториялари замонавий тренажёрлар, ўқув-лаборатория асбоб-ускуналари ва компьютер техникаси билан жиҳозланган.

Ватан ҳимоячиси бўлишга ва ўз тақдирини Ўзбекистон Қуролли Кучлари билан боғлашга аҳд қилган ёшларга тавсиям шундай: мақсадингиз йўлида интилишдан асло толманг. Мақсад қатъий бўлса, унга албатта эришасиз. Зеро, Ватан ҳимоячиси бўлишдан ҳам шарафли иш йўқ.

Муҳаммадюсуф ЙЎЛДОШЕВ,
Академия курсанти,
"Солижонобод" МФЙ.

Сўраган экансиз: ҳуқуқингизни билиб олинг

АЪЗОЛИК БАДАЛИ БЕКОР ҚИЛИНДИ

САВОЛ: микро, кичик ва ўрта тадбиркорлик субъектлари Савдо-саноат палатаси аъзоллигига кириш бадаллари учун ҳозирги кунда тўлов мавжудми?

ЖАВОБ: Ўзбекистон Республикаси Президентининг жорий йил 23 январдаги "Савдо-саноат палатаси фаолиятини янада такомиллаштириш бўйича қўшимча чора-тадбирлар тўғрисида"ги қарорига кўра, Савдо-саноат палатасига бир қатор ваколатлар берилди. Палата, жумладан, аъзоларининг манфаатларини кўзлаб Олий судга ариза бериши ҳамда иқтисодий, маъмурий, фуқаролик ва жиноят ишлари бўйича суд қарорларини қайта кўриб чиқиш юзасидан шикоят киритиши мумкин.

Шу йилнинг 1 февралдан микро, кичик ва ўрта тадбиркорлик субъектлари Палата аъзоллигига, аъзолик ва кириш бадалларидан озод қилинган ҳолда, текин қабул қилинади.

Палата тадбиркорларнинг манфаатларини кўзлаб судларга тақдим этадиган ариза, даъво-лар ҳамда апелляция ва кассация шикоятлари бўйича давлат божи тўловларидан озод этилади.

Акмалжон МАМАДАЛИЕВ,
туман адлия бўлими бошлиғи.

Ахборот-2023

КИБЕРЖИНОЯТ ҚУРБОНИГА АЙЛАНМАНГ!

Вилоятимизда шу йилнинг 13 февралдан 19 феврал кунига қадар "Кибермаконда содир этиладиган жиноятларга қарши курашиш ҳафталиги (Cyber Week)" ўтказилди. Ҳафталик доирасида "Банк картаси кодини ҳеч кимга бермайман", "Интернет тармоғидан ҳавфсиз фойдаланаман" мавзуларидаги ўқув-семинарларда аҳолининг мавзу юзасидан ҳуқуқий билимлари янада бойитилди.



Ҳафталик доирасида "Энг яхши монолог", "Энг яхши иншо", "Энг яхши шеър" йўналишлари бўйича танлов эълон қилинган бўлиб, ижодий ишлар вилоят ишчи гуруҳи томонидан бир жойда жамлашиб, сараланди. Аҳмад Фарғоний номидаги вилоят ахборот-кутубхона марказида ҳафталикнинг энг муҳим танлови — "Кибер ҳавфсизлик билимдонлари" интеллектуал ўйини юқори савияда ташкил этилди. Ёшлар ишлари агентлиги билан ҳамкорликда ўтказилган мазкур бахсларда шаҳар-туманлардан келган 18 ёшдан 30 ёшгача бўлган билимдонлар иштирок этиб, ғолиблик учун кураш олиб бордилар. Ўйин ғолиблари эса ҳафталик якунида муносиб тақдирланди.

Вилоятимиздаги кўплаб таълим муассасалари, корхона ва ташкилотлар ҳамда маҳаллаларда соҳа мутахассислари иштирокида учрашувлар, давра суҳбатлари ташкил этилиб, кибержиноят тушунчаси, унинг келиб чиқишига шароит яратиб беради-

ган омиллар йиғилганларга аниқ мисоллар орқали етказилди.

Ана шундай тадбирлардан бири туманимиздаги "Global textile" корхонасида ҳам ўтказилиб, унда кибержиноятларнинг салбий оқибатлари ҳақида сўз юритилди.

Тумандаги 12-умумтаълим мактабида ўтказилган тадбир ҳам ҳафталик доирасида ташкил қилинди. Унда мактаб ўқитувчилари, психологлар, маҳалла фаоллари ҳамда юқори синф ўқувчилари иштирок этди. Тадбирда туман ички ишлар бўлими масъул ходимлари томонидан «Огоҳлик — давр талаби», «Кибержиноятлар қурбонига айланманг!» мавзуларида маъруза қилинди ва иштирокчиларнинг саволларига жавоб кайтарилди.

Ғолибжон МЎМИНОВ,
туман ахборот кутубхонаси директори.

